

Ա. Ա. ԳՐԱԲՈՒՆԻ

ԱՆԴՐԿՈՎԿԱՍԻ ԱՐՏԱՔԻՆ ԱՌԵՎՏՐԱԿԱՆ ԿԱՊԵՐԻ ԶԱՐԳԱՑՈՒՄԸ
ԱՆԴՐՖԵԴԵՐԱՑԻԱՅԻ ԺԱՄԱՆԱԿ (1922—1936 թթ.)

Անդրկովկասում սովետական կարգերի հաստատման հետևանքով ստեղծված Անդրֆեդերացիան ունեցավ կարևոր պատմական նշանակություն՝ երկրամասի ժողովուրդների տնտեսական, քաղաքական և կուլտուրական կյանքի բոլոր ասպարեզներում: Անդրֆեդերացիան ամրապնդեց երկրամասի հանրապետությունների տնտեսական և քաղաքական դաշինքը, ուժեղացրեց սովետական իշխանության դիրքերը Մերձավոր արևելքի սահմանագլխում, բարձրացրեց նրանց ռազմական հզորությունը, կայուն հիմքերի վրա դրեց անդրկովկասյան ժողովուրդների եղբայրական համերաշխությունը: Անդրֆեդերացիայի ժողովուրդների տնտեսական, քաղաքական և կուլտուրական համագործակցության մասին հրապարակված են բավական աշխատություններ՝ որոնց մեջ լուսաբանվել է անդրկովկասյան ժողովուրդների տնտեսությունը, քաղաքականությունը և կուլտուրային վերաբերող մի շարք հարցեր: Դրա հետ մեկտեղ անհրաժեշտ է նշել, որ անդրկովկասյան հանրապետությունների տնտեսական և քաղաքական զարգացման գործում ոչ պակաս դեր են կատարել Անդրֆեդերացիայի արտաքին առևտրական հարաբերությունները, որոնք մինչև հիմա զրեթե չեն լուսաբանված: Ուստի, ներկա հոդվածի խնդիրն է համառոտակի տալ արտաքին առևտրական կապերի զարգացման վերլուծությունը և նրա դերը երկրամասի էկոնոմիկայի վերելքի գործում:

Անդրֆեդերացիա ստեղծվելուց հետո կալմվեց նրա ֆեդերատիվ կառավարությունը, որի մեջ մտան ժողովրդական տնտեսության ճյուղային ժողկոմիսարիատները, այդ թվում նաև Անդրֆեդերացիայի արտաքին առևտրի մեղկոմիսարիատը, որի առաջին ժողկոմ նշանակվեց Ա. Ի. Իվանյանը: Անդրֆեդերացիայի արտաքին առևտրի ժողկոմիսարիատը² արտասահմանյան երկրների հետ կատարած առևտրական գործարքները իրականացնում էր առևտրա-տնտեսական և կազմակերպչական օրգանները՝ միջոցով, որոնց մեջ մտնում էին՝ արտահանման և ներմուծման առևտրի, օպերատիվ, հաշվարկատնոսային, ֆինանսական և իրավաբանական բաժինները, ինչպես նաև արտասահմանում գործող առևտրական ներկայացուցչությունները, որոնց միջոցով իրացվում էին արտահանված միջոցները և ձեռք էին բերվում երկրամասի կենսական պահանջների համար անհրաժեշտ ապրանքներ:

1922 թ. Անդրֆեդերացիայի և ՌՍՖՍՀ-ի արտաքին առևտրի ժողկոմիսարիատների միջև ստորագրվեց համաձայնագիր³, ըստ որի, երկրամասի առևտրական ներկայացուցիչները մշտնում էին Ռուսաստանի ֆեդերացիայի ներկայացուցչությունների կազմի մեջ, իսկ ՍՍՀՄ կազմվելուց հետո՝ վերջինիս ներկայացուցչություններում: Անդրֆեդերացիայի առևտրական ներկա-

1 Սա հակայան, Հոկտեմբերյան մեծ հեղափոխությունը և ազգային հարցի լուծումը Անդրկովկասում, Խ. Ա. Երաշյան, Անդրկովկասում սոցիալիստական հեղափոխության հիմունքները, ինքնաբերության պատմության կեղծարարության դեմ, Ա. Խ. Շահինյան, Մեղավորներ Անդրկովկասյան ժողովուրդների կուլտուրական համագործակցության պատմության, Բ. Հ. Լալաբեկյան, Վ. Ի. Լենինը և սովետական կարգերի հաստատումն ու ամրապնդումը Անդրկովկասում, Գ. Վարդգեսյան, Անդրկովկասյան հանրապետությունների տնտեսական և քաղաքական համագործակցությունը 1921—1923 թթ.:

2 1922—1927 թթ. Անդրկովկասում գոյություն ունեցող արտաքին առևտրի ժողկոմիսարիատ, իսկ 1927 թ. վերածվում է ՍՍՀՄ-ի արտաքին առևտրի անդրկովկասյան լիազորության երկրամասի մնացած ժողկոմներին հավասար իրավունքներով:

3 Տե՛ս Վրաստանի պետական արխիվ, ֆ. 617, գ. 19, թ. 342:

յացուցչությունները տեղաբաշխված էին Անգլիայում, Ֆրանսիայում, Դերմանիայում, ԱՄՆ-ում, Իտալիայում, Ավստրիայում, Շվեդիայում, Լեհաստանում, Զեխոսլովակիայում, Ռելգիայում, Հոլանդիայում, Թուրքիայում, Իրանում, Եգիպտոսում։ Իսկ Հարավային Ֆրանսիայում (Մարսել), Հյուսիսային Իրանում (Թավրիզ), Արևելյան Թուրքիայում (Էնզելի) Անդրկովկասը ուներ ինքնուրույն ներկայացուցչություններ⁴ և այդ շուկաներում առևտրական գործարքները կատարում էր առանց ՍՍՀՄ ներկայացուցչությունների միջամտության։ Նրանք ուսումնասիրում էին տվյալ երկրի շուկան և ժողովրդական տնտեսության վիճակը, ինֆորմացիա էին տալիս տվյալ երկրի տնտեսական ու քաղաքական դեկավար շրջաններին՝ իր երկրի տնտեսական դրության մասին (այստեղ նկատի ունենք էքսպորտային միջոցների և իմպորտային կարիքների մասին), սխտեմատիկ հետևում էին առևտրական պայմանագրերի իրականացմանը և մշակում նոր պայմանագրեր։ Անդրֆեդերացիայի արտաքին առևտրի ներկայացուցիչները իրենց գործունեության մեջ հենվում էին ՍՍՀՄ առևտրական պայմանագրերի իրավական հիմքի վրա, քանի որ երկրամասի արտաքին առևտուրը հանդիսանում էր ՍՍՀՄ-ի արտաքին առևտրական հարաբերությունների բաղկացուցիչ մասը։ Այս հանգամանքը բոլորովին էլ չէր սահմանափակում երկրամասի արտաքին առևտրական հարաբերությունների ինքնուրույնությունը։ Այսպես, օրինակ, ժողովրդական տնտեսության վերականգնման շրջանում Անդրֆեդերացիայի արտաքին առևտրի ժողովրդական տնտեսության պայմանագրեր կնքեց 18 խոշոր եվրոպական և ամերիկյան ակցիոներական ընկերություններին՝ հետ, որոնք Թրիլիսիում, Նրևանում, Իաբլում, Բաթումում և Սուխումում ունեին բաղային պահեստներ, որտեղ կենտրոնացվում էին նրանց ներմուծված ապրանքները։ Անդրֆեդերացիայի արտաքին առևտրի կազմակերպման և իրականացման գործում կարևոր նշանակություն ունեցավ նաև նրա վարած մաքսային քաղաքականությունը, որը մի կողմից հնարավորություն տվեց մաքսատուրքերի միջոցով հովանավորելու երկրամասի արդյունաբերությունը օտարերկրյա ապրանքների մրցակցությունից, իսկ մյուս կողմից, մաքսատուրքերի միջոցով ուտացվում էր ղզալի տուրքեր, որոնք մտնում էին արտասահմանյան վալյուտային եկամուտների մեջ։ Անդրֆեդերացիայի աշխարհագրական դիրքը անհրաժեշտություն դարձրեց նրա ծովային և ցամաքային սահմաններում ուտեղծելու խոշոր մաքսատներ՝ Բաթումում, Փոթիում, Սուխումում, Լենինականում, Մարդարայում, Ջուլֆայում, Աստարայում և Բաբում։ Բացի որանից, խոշոր մաքսատներ էին հաշվվում նաև Թրիլիսին և Նրևանը։ Անդրֆեդերացիայի ստեղծման հենց սկզբից նրա դաշնակցային խորհուրդը հատուկ որոշում ընդունեց երկրամասի մաքսային հիմնարկությունների մասին, որի մեջ ասված էր. «1) Նկատի ունենալով, որ ստեղծվել է Անդրկովկասյան ֆեդերացիան, ուստի անհրաժեշտ է վերացնել նրա կազմի մեջ մտնող հանրապետությունների սահմանների վրա գտնվող մաքսատները։ 2) Ուժեղացնել և ընդարձակել մաքսատները երկրամասի հարավային և արևմտյան սահմաններում, որովհետև տվյալ շրջաններով են անցնում կապիտալիստական երկրների տրանզիտային և մաքսանենգ ապրանքները»⁵։

Ֆեդերացիայի շրջանում մաքսատների դերը չէր սահմանափակվում սոսկ մաքսատուրքերի զանձումով, նրանք ղզալի աշխատանք էին կատարում երկրամասում մաքսանենգ ապրանքների ներթափանցման դեմ։ Սովետական իշխանության գոյության առաջին տասնամյակում կապիտալիստական երկրները ամեն կերպ խանգարում էին Անդրֆեդերացիայի հետ կատարվող արտաքին առևտրական հարաբերությունների իրավական նորմաները և թափանցում երկրամասի տերիտորիա՝ մաքսանենգ ապրանքների ներմուծումով։ Մաքսանենգության դեմ պայքարն ուժեղացնելու կապակցությամբ, 1925 թ. դեկտեմբերի 9-ին, երկրամասում կազմակերպվեց հատուկ հանձնաժողով՝ արտաքին առևտրի ժողովում Իվանյանի գլխավորությամբ, որի նպատակն էր ուսումնասիրել երկրամասի բոլոր մաքսատների աշխատանքը, մաքսանենգ ապրանքների բռնագրավման և նրանց թափանցումը կանխելու միջոցները։ Այդ կապակցությամբ հանձնաժողովը անհրաժեշտ համարեց մաքսանենգության դեմ պայքարն ուժեղացնելու նպատակով Անդրկովկասի արևմտյան և հարավային սահմանների ճեղքվածքներում ստեղծել նոր մաքսատներ և մաքսակետեր, որը հնարավորություն կստեղծեր կանխել այդ ապրանքների թափանցումը երկրամասի տերիտորիան։ 1926 թ. մայիսի 12-ին⁶ արտաքին առևտրի ժողովում Իվանյանը ղեկու-

⁴ Նույն տեղում, ֆ. 735, գ. 837, թ. 35։

⁵ Տե՛ս Վրաստանի պետական արխիվ, ֆ. 735, գ. 192, թ. 155։

⁶ Տե՛ս նույն տեղում, գ. 89, թ. 43։

⁷ Տե՛ս Վրաստանի պետական արխիվ, ֆ. 735, գ. 1400, թ. 31։

⁸ Նույն տեղում, գ. 1400, թ. 164։

սագիր ներկայացրեց Անդրերկրկոմին ու ժողովմտավետին, որի մեջ նշվում էր, որ մաքսանեն-
գության գեմ պայքարելու գործում զլխավոր ուշադրությունը պետք է դարձնել ներմուծվող մաք-
սանենգ ապրանքների վրա, քանի որ այդ ապրանքները թափանցելով մեր ներքին շուկան,
կմրցեն սովետական ապրանքները՝ հետ և կիրացվեն ավելի բարձր գներով, մյուս կողմից՝ պայ-
մաններ կստեղծեն սերտ կապ պահպանելու երկրամասում դեռ գոյություն ունեցող մասնավոր
կապիտալի և արտասահմանյան բուրժուազիայի միջև։ Անդրֆեդերացիայի գոյության առաջին
էտապում նրա մաքսատները զանձեցին 29,2 միլիոն ռուբլի մաքսատուրք⁹, նույն շրջանում մաք-
սատների կողմից կատարվեց մաքսանենգ ապրանքների բռնագրավման 26 հազար¹⁰ դեպք,
բռնագրավեցին 5,5 միլիոն ռուբլու արժողությամբ մաքսանենգ ապրանքներ։ Երկրամասի կու-
սակցական, սովետական կազմակերպությունների կողմից արտաքին առևտրի մոնոպոլիայի
սկզբունքների հետևողական կիրառման շնորհիվ, մինչև 1929 թ. գրեթե կանխվեց մաքսանենգ
ապրանքների թափանցումը երկրամասի շուկաները, որին օժանդակեց նաև երկրամասում մաս-
նավոր կապիտալի լիկվիդացման հանգամանքը, քանի որ վերջինս մաքսանենգության համար
նյութական հող էր ստեղծում։

Անդրֆեդերացիայի Կենտգործկոմի 1922 թ. օգոստոսի 9-ի¹¹ որոշման մեջ ասված է.
«...մշակել արտաքին առևտրի արտահանման և ներմուծման պլաններ, հասնել այն բանին, որ
ներմուծված ապրանքների արժեքը, ըստ հնարավորության, ծածկվի արտահանված ապրանք-
ների արժեքով, իսկ ավելորդ մասը մտցնել վալյուտային ռեզերվներում»։ Ուստի, երկրամասի
արտաքին առևտրի առաջ խնդիր էր դրված՝ արտահանման ապրանքների արժեքով ոչ միայն
պետք է փակել ամբողջ ներմուծման ծախսերը, այլ նաև նախատեսվում էր զգալի քանակու-
թյամբ արտասահմանյա՝ վալյուտային միջոցների տնտեսում, որպես սոցիալիստական կուտակ-
ման օժանդակ աղբյուր։

Ֆեդերացիայի առաջին հինգ տարվա արտաքին առևտրական գործարքների պատկերը
կարելի է ներկայացնել հետևյալ կերպ (արտահանված է իրացված գներով¹², միլիոն ռուբ-
լիներով)¹³։

1922-23 ¹⁴	1923-24	1924-25	1925-26	1926-27	Ընդամենը հինգ տարում
Ներմուծում 34,7	29,3	65,7	47,7	47,6	225,0
Արտահանում 29,0	46,9	79,5	97,0	122,9	375,3
Այլ շրջ. 63,7	76,2	145,2	144,7	170,5	600,3
Բալանս 5,7	17,6	13,8	49,3	75,3	150,3

Այս տվյալներից երևում է, որ արտահանումը ավելի քան 40 տոկոսով գերազանցում է
ներմուծմանը։ Նշանակում է, արտահանված ապրանքների արժեքով ծածկվել է ամբողջ ներմուծ-
վածի գինը և 150,3 միլիոն ռուբլի կուտակվել է երկրամասի վալյուտային ռեզերվներում։ Որը
հանդիսանում է առևտրական ակտիվ բալանսի սալդոն, այն ոսկյա ֆոնդը, որով մշտական
պայմաններ էր ստեղծվում համաշխարհային շուկայի հետ ակտիվ տնտեսական կապեր պահպա-
նելու համար։ Արտաքին առևտրական գործարքների զարգացումը ցայտուն կերպով արտահայ-
տում է քննարկվող շրջանի բոլոր տարիներին՝ հատկապես արտահանման մեջ։ Այսպես, օրի-
նակ, առաջին տարվա համեմատությամբ երկրորդ տարում արտահանման արժեքը աճել է
38,1 տոկոսով, երրորդում՝ 41,1 տոկոսով, չորրորդում՝ 17 տոկոսով, հինգերորդում՝ 30 տոկոսով։

⁹ Внешняя торговля СССР (статистический сборник), изд. 1931, М., стр. 757—758.
¹⁰ Տե՛ս նույն տեղում։
¹¹ Տե՛ս Վրաստանի պետական արխիվ, ֆ. 735, գ. 147, թ. 7։
¹² 1922—1923 թթ. գները հաշված են 1913 թ. գներով, իսկ մնացած տարիներին սովետական
լիւվոնիցով։
¹³ Աղյուսակի 1922—1925 թթ. տվյալները տե՛ս Статико-экономический сборник Закав-
казья, стр. 69, իսկ 1925—1926 թթ. տե՛ս Экономический вестник Закавказья, № 24, стр. 85.
1926—1927 թթ. տե՛ս Վրաստանի պետ. արխիվ, ֆ. 735, գ. 908, թ. 180։
¹⁴ 1922 թ. տվյալները հաշվում են նույն թվականի հոկտեմբերի 1-ից։

Արտահանման նման տեմպերով զարգացումը արդյունք է տվյալ շրջանի տնտեսական քաղաքականության զլխավոր խնդրի՝ իրականացման՝ երկրամասի ժողովրդական տնտեսության վերականգնման և սոցիալիզմի նյութա-տեխնիկական բազայի հիմքերի ստեղծման։ Մյուս կողմից, արտաքին առևտրի մոնոպոլիայի սկզբունքների կիրառման շնորհիվ, սովետական արտահանող կապակերպությունները հնարավորություն ստացան իրենց ձեռքը կենտրոնացնել երկրամասի արտահանվող հումքի հնարավոր բոլոր միջոցները (քանի որ նրանց հետ մրցում էր Անդերկովկասում դեռևս գոյություն ունեցող մասնավոր կապիտալը) և արտահանել արտաքին շուկաներ, իսկ նրանց իրացումից ստացված վալյուտային միջոցները օգտագործել ժողովրդական տնտեսության զարգացման նպատակներին։ Ուստի, մեր երկրի, այդ թվում Անդրֆեդերացիայի, տեխնիկա-տնտեսական հետամնացությունը ստիպում էր ընդարձակել տնտեսական կապերը կապիտալիստական երկրների հետ։ 1922—1925 թթ. ներմուծված սարքավորումների հաշվին վերականգնվեց երկրամասի ժողովրդական տնտեսությունը, իսկ 1926—1927 տնտեսական տարիներում հիմք դրվեց նավթի, պղնձի և մարգանցի արդյունաբերական ճյուղերի վերակառուցմանը՝ արտասահմանից ներմուծված նորագույն տեխնիկական սարքավորումների քաղայի վրա։ 1922—1927 տնտեսական տարիներում երկրամասից արտահանվել են նավթամթերքներ, մարգանց, ձխախոտ, փայտանյութեր, մատուտակի արմատ, մորթիներ, բուրդ, մետաքսեղեն, եգիպտացորեն, խոզի մաշ, բամբակի քուսպ և անասունի աղիքներ, իսկ Սովետական Ռուսաստանից՝ Անդրկովկասի մաքսատներով դեպի Իրան և Թուրքիա էր արտահանվում շաքար, գործվածքեղեն և այլ ապրանքներ։ Արտահանված ապրանքների մեջ ինչպես տեսակարար կշիռով, այնպես էլ արժեքային հարաբերությամբ առաջին տեղը գրավում էին նավթամթերքները, որոնց իրացումից մուտքերը կազմեցին 200 միլիոն ռուբլի¹⁵, կամ տվյալ շրջանի ամբողջ էքսպորտի 53,2 տոկոս։ Միջազգային շուկաներում Անդրկովկասի նավթամթերքների հետ մրցում էր իրանական նավթը. որը գտնվում էր Անգլո-Պերչե և Անգլո-Հոլանդական խմբավորումների ձեռքում։ Մոնոպոլիստական այս խմբերը ձգտում էին եվրոպական շուկայից կոնկուրենցիայի միջոցով դուրս շարտել անդրկովկասյան և ամերիկյան նավթամթերքները։ Սկսած 1924 թ. դադարեցվեց ամերիկյան նավթամթերքների էքսպորտը դեպի եվրոպական շուկաներ, քանի որ ԱՄՆ-ի էկոնոմիկայում սկսվեց ժամանակավոր օկայունացումս, որի պատճառով նրա նավթամթերքները գնում էին ներքին պահումներ։ 1924—1925 տնտեսական տարում¹⁶ երկրամասի բենզինի պահանջարկը Անգլիայում բարձրացավ .172 տոկոսով, իսկ մյուս նավթամթերքներինը՝ 30, Գերմանիայում՝ 30, Ֆրանսիայում՝ 38, Իտալիայում՝ 500, Բելգիայում՝ 100 տոկոսով։ Քննարկվող ժամանակաշրջանի առաջին երեք տարիներում երկրամասի նավթամթերքների շուկայական գինը մեկ փթի համար կազմում էր 80 կոպեկ¹⁷, իսկ 1926/27 տնտեսական տարիներում գները ընկան և հասան մինչև 60 կոպեկի, որովհետև ավելացավ Մերձավոր արևելքի նավթային ավազանների էքսպորտը, ինչպես նաև ԱՄՆ-ը սկսեց նավթամթերքներ արտահանել Մերձիկայից ներմուծված նավթի հաշվին, որի պատճառով նավթամթերքների առաջարկը միջազգային շուկաներում գերադանեց նրանց պահանջարկին։ Չնայած այս հանգամանքը ազդեց երկրամասի նավթամթերքների իրացման պայմանների վրա, բայց չկրճատվեց այդ ապրանքներից ստացվող վալյուտայի քանակը, քանի որ ավելացվեց նրանց էքսպորտի տեսակարար կշիռը։ Անդրկովկասի էքսպորտային մնացած ապրանքներից ալյուտաքին շուկաներում համեմատաբար իրացման կայուն պայմաններ ունեին մարգանցը, մատուտակի արմատը և փայտանյութերը, իսկ մնացած էքսպորտային միջոցների (որոնք հիմնականում գյուղատնտեսական ապրանքներ էին) իրացման գները քննարկվող շրջանի բոլոր տարիներում անկայուն է կապված եղել պահանջարկի և առաջարկի հարաբերակցության տատանման հետ։ Չնայած այս հանգամանքին, գյուղատնտեսական ապրանքների իրացումից ստացված մուտքերը կազմեցին 135,3 միլիոն ռուբլի¹⁸, կամ տվյալ ժամանակաշրջանի ամբողջ արտահանման 36 տոկոսը, իսկ մարգանցի, մատուտակի արմատի և փայտանյութերի վալյուտային մուտքերը՝ մոտ 40 միլիոն ռուբլի¹⁹, կամ 10,8 տոկոսը։ Երկրամասի արտահանման ապ-

¹⁵ Տե՛ս Статико-экономический сборник Закавказья, стр. 80 և Վրաստանի պետական արխիվ, ֆ. 735, գ. 908, թ. 182։

¹⁶ Նույն տեղում, թ. 45։

¹⁷ Տե՛ս Վրաստանի պետական արխիվ, ֆ. 735, գ. 1448, թ. 46։

¹⁸ Նույն տեղում, գ. 908, թ. 182։

¹⁹ Տե՛ս Նույն տեղում։

րանքները հիմնականում իրացվեցին ԱՄՆ-ում, Անգլիայում, Բելգիայում, Գերմանիայում, Ֆրանսիայում, Հոլանդիայում, Իտալիայում, Իրանում, Թուրքիայում և այլ երկրներում²⁰։

* * *

Անդրֆեդերացիայի արտաքին առևտրական հարաբերությունները նոր էտապ թևակոխեցին սոցիալիզմի առաջին հնգամյակի տարիներում, երբ սովետական ամբողջ ժողովուրդը պայքարում էր վիթխարի խնդիրներ լուծելու համար, այն է՝ ստեղծել բարձր զարգացած արդյունաբերություն, որպեսզի ի վիճակի լինի տեխնիկայես Վերազինելու ժողովրդական տնտեսության բոլոր ճյուղերը, իսկ գյուղացիական տնտեսությունների մեծամասնությունը փոխադրել սոցիալիստական արտադրության ուղու՝ մեքենայական տեխնիկայի հիման վրա, դուրս մղել կապիտալիստական տարրերին ժողովրդական տնտեսության բոլոր ճյուղերից, ապահովել ազգային հանրապետությունների և մարզերի տնտեսական ու կուլտուրական Վերելքը. բարձրացնել ժողովրդի էությունը և կուլտուրական մակարդակը և ամրապնդել երկրի պաշտպանունակությունը։ Սոցիալիզմի առաջին հնգամյակի դիրեկտիվներում երկրի արտաքին առևտրի խնդիրների մասին նշված է. «Ծննելով արտաքին առևտրի ընդհանուր կուրսից (առավելագույն առևտրական կապեր սեփական արտադրական բազիսի ամրապնդման և կապիտալիստական աշխարհից հարաճուն անկախության պայմանով), անհրաժեշտ է արտաքին առևտրի պլանը կառուցել անպայման առևտրական ակտիվ բալանս ունենալու դրույթով։ Առևտրական ակտիվ բալանսը, երկրում ոսկու ճանույթն ավելացնելու հետ միասին, վալյուտային ռեզերվի զույգման հիմնական աղբյուրն է, վալյուտային ռեզերվ, որն առանձնապես անհրաժեշտ է կապիտալիստական աշխարհի և ՍՍՀՄ-ի միջև հարաբերությունների սրվելու, ինչպես նաև անբերրիության հնարավորության կապակցությամբ»²¹։

Առաջին հնգամյակում արտաքին առևտրի կառուցվածքը, արժեքային հարաբերությամբ, կարելի է ներկայացնել հետևյալ կերպ (հաշված է իրացված գներով, միլիոն ռուբլիներով)²²։

1927, 2823	1928 '29	1930	1931	1932	Ընդամենը հինգ տարում
Ներմուծում 34,6	25,2	27,4	27,4	24,8	139,4
Արտահանում 105,6	126,7	126,0	132,4	129,0	619,7
Ապրանքաշրջ. 140,2	151,9	153,4	159,8	153,8	759,1
Բալանս 71,0	101,5	98,6	105,0	104,2	480,3

Առաջին հնգամյակի երկրամասի արտաքին առևտրական գործարքների տվյալներից երևում է, որ զգալի չափով զարգացել է ապրանքաշրջանառությունը։ Այն նախորդ հինգ տարիների 600,3 միլիոն ռուբլու դիմաց տվյալ շրջանում հասել է 759,1 միլիոն ռուբլու, կամ աճել է 21 տոկոսով։ Հնգամյակի ամբողջ հաշվեկշռում արտահանման արժեքը գերազանցում է ներմուծմանը գրեթե չորս և կես անգամ, իսկ առանձին տարիներում՝ տատանվում է երեքից հինգի միջև։

Առաջին հնգամյակում երկրամասի արտահանման արժեքի զարգացումը բացատրվում է նախ՝ սովետական արտաքին առևտրի մոնոպոլիայի սկզբունքների պլանային կիրառումով, որը ենթադրում է արտաքին առևտրական գործարքներում էքսպորտի մշտական Վերելք՝ իմպորտի նկատմամբ, նպատակ ունենալով սխտեմատիկաբար ավելացնել էքսպորտային առևտրից ստացվող եկամուտները որպես սոցիալիստական կուտակման օժանդակ աղբյուր, մյուս կողմից, երկրի տնտեսական անկախությունն ապահովելու նպատակով անհրաժեշտ էր աստիճանաբար

20 Ст. 6 Вес торгово-промышленные Закавказья, статистический сборник, стр. 181. изд. 1927 г.. Тбилиси.

21 «ՍՍՀՄ համագումարների, կոնֆերենցիաների և պլենումների քանակներում և որոշումներում», հատ. 2, Հայպետհրատ, 1955, էջ 577.

22 Կազմված է Վրաստանի պետական արխիվի ֆ. 735, գ. 908, ք. 374 և 1982 գործի 2 թղթի տվյալների համաձայն։

23 1927 թ. վերջին ամիսների տվյալները մտցված են առաջին հնգամյակի արդյունքների մեջ, քանի որ վիճակագրական տվյալներում բերված են ղույզ թվերով։

կրճատել իմպորտի ծավալը և միայն ներմուծել այն սարքավորումները, որոնք դեռ չէին արտադրվում սովետական արդյունաբերության կողմից:

Երկրորդ. առաջին հնգամյակում բոլոր հողվածների գծով կրկնապատկվեց երկրամասի արտահանած ապրանքների (նավթի, մարգանցի, ծխախոտի, գորգերի, փայտանյութերի) տեսակարար կշիռը, որի հետևանքով մի քանի անգամ ավելացավ նրանց իրացումից ստացված արժեքը:

Երրորդ. առաջին հնգամյակի երկրորդ կեսին երկրամասի էքսպորտային ապրանքների շարքը համարվեց նոր հողվածներով՝ պտուղներ, դեղաբույսեր, մորթափառ, անասունի եղջերու, մուշ-ուակի մորթի, ձուկ, տուֆ, պեճղա, մարմար, գրանիտ, ինֆազորային հող, տեխնիկական զին-քերին, գրնի, կոնյակ, բամբակի գործվածք, սղոցված փայտ և շատ այլ արտահանման առար-նաներ:

Առաջին հնգամյակում կայուն հիմքերի վրա դրվեց առևտրական ակտիվ բալանսը, որը նա-խորդ հինգ տարիների 150,3 միլիոն ռուբլուց հասավ 480,3 միլիոն ռուբլու. այդ նշանակում հարտահանված ապրանքների արժեքով ծածկվեց ամբողջ ներմուծման գինը և 480,3 միլիոն ռուբ-լի մուտք գործեց երկրամասի վալյուտային ռեզերվների ֆոնդում:

Նշված հնգամյակի առաջին երկու տարում երկրամասի էքսպորտային ապրանքների շուկա-յական դրույթյունը նպաստավոր էր գրեթե բոլոր հողվածների համար, իսկ 1930 թ. սկսած իրացման պայմանների մեջ առաջացավ փոփոխություն, որը կապված էր համաշխարհային տնտե-սական ճգնաժամի (1929—1933 թթ.) բռնկման հետ: Ճգնաժամի հետևանքով ընկավ կապիտա-լիստական ձեռնարկությունների արտադրության մակարդակը, որի պատճառով արտաքին շուկա-ներում կրճատվեց երկրամասի էավթամթերքների և մարգանցի պահանջարկը, իսկ դա ազդեց նրանց իրացման գների վրա: Անդրկովկասի էքսպորտային ապրանքներ սպառող երկրներում արտադրությունը կրճատվեց հետևյալ չափով՝ ԱՄՆ-ում 46,2 տոկոսով²⁴, Անգլիայում՝ 16,2, Ֆրանսիայում՝ 30,9, Կերմանիայում՝ 40 տոկոսով. համաշխարհային առևտրի շրջանառությունը կրճատվեց մինչև 1/3-ով: Հակառակ դրան, սոցիալիզմի միակ երկրի էկոնոմիկան ապրում էր բուռն վերելք: Սովետական ժողովուրդը վստահ իրականացնում էր առաջին հնգամյակի խնդիր-ները՝ ստեղծելով նոր հասարակարգի նյութա-տեխնիկական բազան: Այս հանգամանքը ցույց տվեց արտադրության միջոցների հանրային սեփականության առավելությունը՝ կապիտալիստա-կան մասնավոր սեփականության նկատմամբ, որը զերծ է կապիտալիզմին հատուկ տնտեսական ճգնաժամներից և դրա հետ կապված արտադրության անարխիայից և կոնկուրենցիայից:

Առաջին հնգամյակի խնդիրների կատարման շնորհիվ ՍՍՀՄ-ը մեքենաներ ներմուծող երկրից դարձավ մեքենաներ արտադրող երկիր: Անդրֆեդերացիայում ավարտվեցին խոշոր արդյունա-բերական ճյուղերի՝ Բաքվի նավթային արդյունաբերության տեխնիկական վերակառուցումը, Հայաստանի պղնձի հանքերի, Վրաստանի մարգանցի արդյունաբերության վերակառուցումը:

Կոսակցության Կենտկոմի 1933 թ. հունվարին հրավիրված պլենումը հետևյալ կերպ բնո-ւոշեց սոցիալիզմի առաջին հնգամյակի արդյունքները. «Քաղաքի և գյուղի կապիտալիստական տարրերը ջախջախված են, սոցիալիստական էկոնոմիկայի հիմքը կառուցված է, սոցիալիզմի հաղթանակը ՍՍՀՄ-ում ապահովված է...»²⁵, ՍՍՀՄ-ը ագրարային երկրից վերածվեց ինդուս-տրիալ երկրի, դա ամրապնդեց երկրի տնտեսական անկախությունը, քանի որ ՍՍՀՄ-ը հնարա-վորություն ստացավ անհրաժեշտ սարքավորումների վճռական մասը արտադրել իր սեփական ձեռնարկություններում:

Սոցիալիզմի երկրորդ հնգամյակում երկրամասի արտաքին առևտրի առաջ դրված էին հետևյալ խնդիրները.

1. Տնտեսության բոլոր ճյուղերը լրիվ և վերջնականապես աղատել օտարերկրյա կա-խումից:

2. Արտաքին առևտրական հարաբերությունները կապիտալիստական աշխարհի հետ օգտա-գործել մեքենաների, սարքավորումների և հումքի ներմուծման համար, այն դեպքում, երբ ան-հրաժեշտ են սոցիալիստական շինարարության տեմպերի արագացման համար:

²⁴ Տե՛ս История международных отношений и внешней политики СССР (1870—1957), Москва, 1957, стр. 195.

²⁵ Տե՛ս «ՍՄԿ-ն համագումարների, կոնֆերենցիաների և պլենումների բանաձևերում և որո-շումներում», հատոր 2-րդ, էջ 227: Երկրամասի առևտրական հարաբերությունները քննարկելու-նք մինչև 1936 թ. ներառյալ, քանի որ հնգամյակի նախավերջին տարում ֆեդերացիան վերաց-վեց:

3. Ընդլայնել էքսպորտային ռեսուրսները այն ապրանքների հաշվին, որոնք արտաքին շուկաներում ունեն մեծ պահանջարկ:

Երկրորդ հնգամյակում երկրամասի արտաքին առևտրական գործարքները պլանավորելիս հաշվի էր առնված կապիտալիստական աշխարհի տնտեսական և քաղաքական ընդհանուր դրությունը, համաշխարհային տնտեսական ճգնաժամի խորացման ու ընդարձակման խնդիրները և նրանցից բխող հետևանքները՝ արտադրության կրճատումը, ապրանքների գնողունակության, արտաքին առևտրի շրջանառության ու գների անկումը և այլն:

Արևմուտքի կապիտալիստական երկրները (1929—1933 թթ.) համաշխարհային տնտեսական ճգնաժամի և դրան հաջորդող դեպրեսիայի շրջանում հովանավորական քաղաքականության միջոցով սահմանափակում էին ներմուծման ծավալը, իսկ սովետական էքսպորտային ապրանքների նկատմամբ վարում էին հատուկ վարչական հովանավորական քաղաքականություն, ձգտում էին արտաքին շուկաներում ամեն կերպ խոչընդոտել ստեղծել նրանց իրացման համար: Չնայած դրան, օբյեկտիվորեն ստեղծվում էին նպաստավոր պայմաններ Սովետական Միություն ներմուծվող ապրանքների գների իջեցման համար, որովհետև կապիտալիստական երկրներում ճգնաժամի հետևանքով ընկան տեխնիկական սարքավորումների գները, որը ստիպեց կապիտալիստներին դրանք վաճառել իջեցրած գներով՝ տնտեսական լճացումից դուրս գալու համար:

Երկրամասի էքսպորտը աչքի էր ընկնում արտահանած ապրանքների բազմազանությամբ, արտահանվող ապրանքների ցուցակում մտցվեցին 38 նոր հոդվածներ²⁶, մարզանքի հանքաքարին զուգընթաց սկսվեց արտահանվել ֆերոմարգանեց, լվացած և շեղաքարային հանքատեսակներ, որոնց իրացման պայմանները կրկնակի անգամ նպաստավոր էին: Սկսեցին արտահանվել քիմիական և շինարարական նյութեր՝ ասկանիտի հանքախառնուրդ, լեռնամոմ, օրսիդիանփայլար, բարիտ, դիատոմիտ, արդյունաբերական ապրանքներից՝ մեքենաշինության արտադրանք, գործվածքներ, մետաքսյա հագուստեղեն, փայտյա շինվածքներ, արհեստագործական կոպերացիայի արտադրած ապրանքներ, մրգեղենի պահածոներ, հանքային ջրեր և այլ ապրանքներ:

Երկրամասի երկրորդ հնգամյակի շուրս տարվա արտաքին առևտրական գործարքների կառուցվածքը կարելի է ներկայացնել հետևյալ կերպ (արտահայտված միլիոն ռուբլիներով, իրացված գներով)²⁷:

	1933	1934	1935	1936	Ընդամենը շուրս տարում
Ներմուծում	27,6	29,1	31,7	34,2	122,6
Արտահանում	167,0	186,8	212,8	248,7	815,3
Ապրանքաշրջ.	194,6	215,9	244,5	282,9	937,9
Բալանս	139,4	157,7	181,1	214,5	692,7

Տվյալներից երևում է, որ ապրանքաշրջանառությունը, համեմատած նախորդ հնգամյալ հետ, ավելացել է 21,2 տոկոսով կամ առաջին հնգամյակի 759,1 միլիոն ռուբլու դիմաց քննարկվող շրջանում կազմում է 937,9 միլիոն ռուբլի, իսկ էքսպորտի արժեքը ավելացել է 24 տոկոսով կամ 619,7 միլիոն ռուբլու դիմաց վերջին շուրս տարում կազմում է 815,3 միլիոն ռուբլի, ի պորտի արժեքի մեջ նկատվում է զգալի կրճատում՝ նախորդ հնգամյակի 139,4 միլիոն ռուբլի դիմաց վերջին շուրս տարում այն իջել է 122,6 միլիոն ռուբլու, կամ պակասել է 13 տոկոս:

Տվյալ հնգամյակում երկրամասի իմպորտի կրճատվելը բացատրվում է հետևյալ հիմնական պատճառներով: Նախ՝ երկրորդ հնգամյակում ներմուծված ապրանքների ցուցակից հանվել նավթարդյունաբերության և դյուղատնտեսության արտադրանքը, ինչպես նաև ավտոտրանսպորտային սարքավորումները, քանի որ նշված ապրանքների սովետական արտադրությունն արդեն բարձրում էր ներքին սպառման պահանջները: Երկրորդ առանձին արդյունաբերական ճյուղ համար անհրաժեշտ սարքավորումների (զլանվածք, մետաղալարեր, բարձր որակի պողպատե ձուլվածքներ, սև և գունավոր մետաղներ) իմպորտը զգալիորեն կրճատվեց, որովհետև մեր արդյունաբերությունն արդեն սկսել էր երկրին տալ նշված արտադրանքը: Երրորդ՝ իմպորտի

²⁶ Տե՛ս Վրաստանի պետական արխիվ, ֆ. 735, գ. 1982, թ. 19:

²⁷ Աղյուսակը կազմված է Վրաստանի պետական արխիվի ֆ. 735-ի 1737 դործի 77 1982 գործի 9 թղթի և 1868 գործի 76 թղթի տվյալների համաձայն:

սելը բխում էր երկրի տնտեսական անկախության ամրապնդման անհրաժեշտությունից: Սեփական արդյունաբերական սարքավորումների արտադրություն ստեղծելու միջոցով պետք էր աղատվել կապիտալիստական երկրների տնտեսական կախվածությունից:

Առևտրական ակտիվ բալանսի սալդոն աճեց 30,7 տոկոսով, կամ նախորդ հնգամյակի 480,3 միլիոն ռուբլու դիմաց երկրորդ հնգամյակում կազմեց 692,7 միլիոն ռուբլի:

Նշանակում է՝ շորս տարվա էքսպորտային ապրանքների իրացումից ստացված վալյուտային միջոցներով ծածկվեց ամբողջ ներմուծման արժեքը և 692,7 միլիոն ռուբլի, որպես առևտրական բալանսի սալդո, մուտք գործեց երկրի վալյուտային ռեզերվների ֆոնդ:

Անդրֆեդերացիայի վերջին շորս տարվա արտաքին առևտրական գործարքներում, ինչպես նախորդ տարիներում, նավթամթերքի արտահանումը վճռական դեր է կատարել արտասահմանյան վալյուտա ձեռք բերելու գործում, որը բացատրվում է արտաքին շուկաներում նավթամթերքի նկատմամբ եղած պահանջարկի մշտական բարձրացումով, երկրորդ հնգամյակի էքսպորտի արժեքից 581,4 միլիոն ռուբլի²⁸ միայն մուտք է գործել նավթամթերքների իրացումից, որը կազմում է ամբողջ արտահանման արժեքի 71,3 տոկոսը: Նավթամթերքի էքսպորտի զգալի աճը բացատրվում է ալն հանգամանքով, որ 1933 թ. առաջին կեսին համաշխարհային տնտեսական ճգնաժամից դուրս գալու նշաններ երևացին Անգլիայի, Ֆրանսիայի և Գերմանիայի էկոնոմիկայում, որոնք հանդիսանում էին Անդրկովկասի նավթամթերքների հիմնական սպառողներ: Բարձրացավ այդ երկրների պահանջարկը նավթամթերքների նկատմամբ և դրան զուգընթաց բարձրացան իրացման գները: Այսպես, օրինակ, այդ արտադրանքի փթի միջին գինը հասավ 1 ռուբլի 40 կոպեկի, զրեթե կրկնապատկվեց 1913 թ. գների համեմատությամբ, որ կազմում էր 87 կոպեկ²⁹:

Երկրամասի մնացած արտահանման միջոցների արժեքը ընդհանուր էքսպորտի հաշվեկշռում կազմում էր 233,9 միլիոն ռուբլի, որից մարզանեցին բաժին էր ընկնում 69,5 միլիոն ռուբլի³⁰ կամ ամբողջ էքսպորտի 8,5 տոկոսը, իսկ էքսպորտի մնացած ճյուղերին՝ 164,4 միլիոն ռուբլի, կամ 20,2 տոկոսը:

Անդրֆեդերացիայի զուլույթյան ընթացքում երկրամասից արտահանվեց և արտաքին շուկաներում իրացվեց 1.810,3 միլիոն ռուբլու ապրանքներ, որից 487 միլիոն տրամադրվեց ներմուծվող ապրանքների արժեքին: Ներմուծված ապրանքներից 406,2 միլիոն ռուբլի հատկացվեց երկրաստի ժողովրդական տնտեսության դարգացման նպատակների համար տեխնիկական սարքավորումների և արդյունաբերական հումքի ներմուծմանը, որը կազմում էր ամբողջ իմպորտի 83 տոկոսը, իսկ իմպորտի մնացած մասի՝ 80,8 միլիոն ռուբլու հաշվին ներմուծվեց լայն սպառման առարկաներ, որոնց պահանջարկը համեմատաբար շատ բարձր էր վերականգնման շրջանում: Էքսպորտային վալյուտայի մնացած մասը՝ 1.323,3 միլիոն ռուբլի մուտք գործեց երկրամասի վալյուտային ռեզերվների ֆոնդ, որպես սոցիալիստական կուտակման օժանդակ աղբյուր:

Ինչպիսի անհրաժեշտությամբ որ ստեղծվեց Անդրֆեդերացիան, կապված նրա կազմակերպման սոցիալ-տնտեսական պայմանների հետ, նույնպիսի անհրաժեշտությամբ հնարավոր դարձավ նրա վերացումը, որը բխում էր ֆեդերացիայի հանրապետությունների զարգացման տվյալ էտապի մակարդակից, քանի որ սոցիալիզմն արդեն հաղթանակել էր այդ ժողովուրդների կյանքի զրեթե բոլոր ասպարեզներում:

Անդրֆեդերացիայի վերացումից հետո անցել է ավելի քան 31 տարի: Կոմունիստական կուսակցության հոգատարության շնորհիվ ներկա էտապում Անդրկովկասյան եղբայրական հանրապետությունների միջև զուլույթյուն ունի տնտեսական սերտ համագործակցություն, որը հնարավորություն է տալիս նրանց համատեղ լուծելու մի շարք կարևոր տնտեսական հարցեր, որոնք բխում են երկրամասի էկոնոմիկայի կենսական կարիքներից: Ներկա շրջանում եղբայրական հանրապետությունները համատեղ օգտագործում են նավթի, պղնձի և մարգարիտների արդյունաբերական ճյուղերի արտադրանքը՝ իրենց արտադրողական ուժերի զարգացման համար:

Անդրկովկասի հանրապետություններում ստեղծված է միասնական գազամուղ՝ Ղարադաղի դադի հանքերի բաղալի վրա, զրեթե ավարտված է Վրաստանի, Հայաստանի և Ադրբեյջանի միասնական էներգետիկ տեղծումը, որը լայն հնարավորություններ է բաց անում էներգետիկ սեուրսները համագործակցված կերպով օգտագործելու համար:

28 ՏՆ՝ս Վրաստանի պետական արխիվ, ֆ. 735, գ. 1982, թ. 9:

29 ՏՆ՝ս Статистический экономический сборник Закавказья, изд. 11, стр. 71.

30 ՏՆ՝ս Վրաստանի պետական արխիվ, ֆ. 735, գ. 1982, թ. 9:

Անդրկովկասի հանրապետությունների շրջանակներում իրականացված է արդյունաբերական կարևոր ձյուղերի՝ էլեկտրատեխնիկական, սարքաշինական, էլեկտրոնային հաշվիչ մեքենաների, զազգահաշինական, ինչպես նաև բամբակեղենի, բրդեղենի, մետաքսեղենի և տնտեսական այլ րենազավառների մասնագիտացումը ու կոոպերացումը:

Իրկրամասի հանրապետությունների միջև կատարվող հասարակական աշխատանքի բաժանումից ելնելով, զարգանում են նրանց ձեռնարկությունների արտադրին տնտեսական կապերը արտասահմանյան երկրների հետ: ՍՍՀՄ արտաքին առևտրական կապերին նրանց մասնակցությունը պայմանավորված է աշխատանքի համամիութենական բաժանման, մեջ նրանց արդյունաբերական առաջավոր ձյուղերի զարգացման մակարդակով և դրաված տեղով:

Անդրկովկասյան հանրապետությունների ժամանակակից ձեռնարկությունները զինված են առաջավոր տեխնիկայով և բարձր մակարդակի վրա կանգնած դիտա-տեխնիկական մասնագետներով, որոնց բաց թողած արտադրանքը բարձր պահանջարկ է ունենում պրեթե բոլոր մայր ցամաքներում: Ներկայումս Ադրբեջանից արտահանվում է 280 անուն ապրանք, որոնք սպառվում էն ավելի քան 56 երկրներում, Հայաստանից՝ 130 անուն ապրանք, 69 երկրում, իսկ Վրաստանից՝ 160 անուն ապրանք, 66 երկրում³¹:

Եթե ֆեդերացիայի շրջանում Անդրկովկասը հանդիսանում էր տեխնիկական սարքավորումների մշտական ներմուծող և պայքարում էր կապիտալիստական տնտեսության կախվածությունից ազատվելու համար, ապա ներկա էտապում երկրամասի հանրապետությունները, շնորհիվ իրենց տեխնիկական զարգացման բարձր մակարդակի, դարձել են արդյունաբերական բոլոր տեսակի սարքավորումների արտահանողներ, որոնց արտադրանքը ճանաչում է գտել երկրագնդի գրեթե բոլոր շրջաններում:

³¹ Տե՛ս «Հայաստանի ժողովրդական տնտեսություն», էջ 15, 1967 թ., № 1: